

1 JUAN

¹ Jini t'an am b_Λ ti' cajibal jiñ_Λch tsa' b_Λ cubi lojon, tsa' b_Λ j q'uele lojon, jini tsajibil b_Λ c cha'an lojon, jini t_Λl_Λl b_Λ c cha'an lojon. Jiñ_Λch jini t'an am b_Λ i cuxt_Λlel. ² Tsa' tsictiyi i cuxt_Λlel. Tsaj q'uele lojon. Wolic sub lojon chuqui tsaj q'uele lojon. Wolic subeñet lojon laj cuxt_Λlel mach b_Λ anic mi' jilel. Ya'an yic'ot lac Tat. Tsa' p_Λsbentiyon lojon. ³ Jini q'uelel b_Λ c cha'an lojon, jini ñich't_Λbil b_Λ c cha'an lojon, jiñ_Λch mu' b_Λ c subeñet lojon cha'an mi la' tem ochel quic'ot lojon ti' ñopol lac Tat yic'ot Jesucristo i Yalobil Dios. ⁴ Wolic ts'ijban lojon ili jun cha'an mi' ts'_Λctiyel i tijicñ_Λyel lac pusic'al.

Is_Λclel pañimil

⁵ Jiñ_Λch tsa' b_Λ cubi lojon ti' tojlel Jesús woli b_Λ c subeñet lojon: Dios i s_Λaclel_Λch pañimil. Ma'anic i yi'ic'lel mi ts'ita'ic. ⁶ Mi woli lac lon al tem ochemonla ti' ñopol Dios, lac lot_Λch mi woliyorla ti x_Λmbal ti ic'yoch'an b_Λ pañimil, come che' jini ma'anic woli lac jac'ben i sujmlel. ⁷ Pero mi woliyorla ti x_Λmbal ti' s_Λaclel pañimil, che' bajche' mi' yajñel Dios ti' s_Λaclel pañimil, che' jini mi lac wen c_Λn lac b_Λ. I ch'ich'el Jesús i Yalobil Dios woli' s_Λq'uesañonla ti pejtelel mulil.

⁸ Mi woli la c_Λl ma'anic lac mul, woli lac lotin lac b_Λ ti lac pusic'al. Che' jini ma'anic i sujmlel ti lac pusic'al. ⁹ Mi woli lac suben lac mul Dios mu' b_Λ i melonla ti toj, an i xuc't_Λlel i pusic'al che' mi' ñus_Λbeñonla lac mul. Mi' pocbeñonla loq'uel

pejtelel lac jontolil. ¹⁰ Mi woli la c_{al} ma'anic tsa' lac cha'le mulil, woli laj cuy Dios ti xlot. Che' jini mach ochemic i t'an ti lac pusic'al.

2

Tsijī b_A mandar

¹ Calobilob, wolic ts'ibubeñetla ili jun cha'an mach mi la' cha'len mulil. Mi an majqui tsi' cha'le mulil, an la caj pejcaya ti' tojlel lac Tat, jiñach Jesucristo, jini Toj B_A. ² Jiñach tsa' b_A i yubi i mich'ajel Dios ti' caj lac mul, mach jinic jach lac mul pero i mul ja'el pejtelel año' b_A ti pañimil.

³ Mi woli lac ch'ujbiben i mandar, la cujil c_{Añ}lix lac cha'an Jesús. ⁴ Jini mu' b_A i y_Al: J c_{Añ}lyuñch Jesús, che'en, woli ti lot mi ma'anic mi' ch'ujbiben i mandar. Ma'anic i sujmlel ti' pusic'al jini winic.

⁵ Jini mu' b_A i ch'ujbiben i t'an Jesús, woli' wen c'uxbin Dios. Che' jini la cujil añonla ti Jesús. ⁶ Jini mu' b_A i y_Al woli' yajñel ti Jesús la' ajnic che' bajche' tsa' ajni Jesús.

⁷ Hermanojob, mach tsijibic ili mandar woli b_A c ts'ibubeñetla, pero jiñach oñiyix b_A mandar tsa' b_A subentiyetla ti' cajibal. Jini oñiyix b_A mandar jiñach jini t'an tsa' b_A la' wubi c'álal ti' cajibal.

⁸ Anquese oñiyix pero tsijib_Ach jini mandar woli b_A c ts'ibubeñetla. Tsiquil i sujmlel ti Jesús yic'ot ti jatetla. Come wolix ti ñumel ic'yoch'an b_A pañimil. Wolix ti wen tsictiyel i s_Ac_Acl pañimil, jini isujm b_A.

⁹ Jini mu' b_A i lon al woli' yajñel ti' s_Ac_Acl pañimil che' woli' ts'a'len i yermano, anto ti ic'yoch'an b_A pañimil. ¹⁰ Jini mu' b_A i c'uxbin i yermano, anix ti' s_Ac_Acl pañimil. Ma'anic mi' y_Asan i yermano

ti mulil. ¹¹ Jini mu' b_A i ts'a'len i yermano an ti ic'yoch'an b_A pañimil. Mi' cha'len x_Ambal ti ic'yoch'an b_A pañimil. Mach yujilic baqui mi' majlel, come ma'anic mi' c'otel i wut cha'an i yi'ic'lel pañimil.

¹² Wolic ts'ijbubeñetla alobob, come ñus_Abilix la' mul cha'an i c'aba' JesúS. ¹³ Wolic ts'ijbubeñetla tat_Alet b_A la, come c_Ambilix la' cha'an jini am b_A ti' cajibal pañimil. Wolic ts'ijbubeñetla ch'itoñob, come t'ucht_Abilix la' cha'an jini xjontolil. Wolic ts'ijbubeñetla alobob, come c_Ambilix la' cha'an lac Tat. ¹⁴ Tsa'ix c ts'ijbubeyetla tat_Alob, come c_Ambil la' cha'an jini am b_A ti' cajibal pañimil. Tsa'ix c ts'ijbubeyetla ch'itoñob come p'_At_Aletla. I t'an Dios woli' yajñel ti la' pusic'al. T'ucht_Abilix la' cha'an jini xjontolil.

¹⁵ Mach la' c'uxbin i cha'an b_A pañimil mi chuqui an ti pañimil. Come jini mu' b_A i c'uxbin i cha'an b_A pañimil, ma'anic mi' c'uxbin lac Tat. ¹⁶ Come pejtelel chuqui an ti pañimil, i colosojlel lac pusic'al yic'ot i ts'i'l_A lac wut, yic'ot i chañ'es_Antel lac b_A mach ch'oyolic ti lac Tat pero ch'oyol ti pañimil. ¹⁷ I cha'año' b_A pañimil mi caj i jilelob yic'ot i colosojlel i pusic'al, pero mi' yajñel ti pejtelel ora jini mu' b_A i cha'len che' bajche' yom Dios.

Xcontra Cristo

¹⁸ Alobob, jiñ_Ach cojix b_A q'uin tac. Tsa' la' wubi tal jini xcontra Cristo. W_Ale añobix cab_Al mu' b_A i contrajíñob Cristo. Jini cha'an la cujil añonixla ti cojix b_A q'uin tac. ¹⁹ Tsa' loq'uiyob majlel ti lac tojlel, come mach lac cha'añobic. Lac cha'añobic,

wΛ'to añob la quic'ot c'ΛlΛl wΛle. Pero tsa'loq'uiyob cha'an mi' tsictiyel mach lac cha'añobic.

²⁰ Pero tsa'ix tili jini Ch'ujul bΛ Espíritu ti la' tojlel. Jini cha'an mi la' cΛmben i sujmlel ti la' pejtelel. ²¹ Ma'anic mic ts'ijbubeñetla che' bajche' jini mach bΛ cΛntesΛbilobic ti' sujmlel, come cΛntesΛbiletixla. La' wujil chuqui isujm yic'ot chuqui mach isujmic. Mach tilemic lot ti jini Isujm bΛ. ²² ¿Majqui xlot? ¿Mach ba jinic mu' bΛ i yΛl mach Cristojic jini Jesús? JiñΛch xcontra Cristo mu' bΛ i yΛl mach i Tatic Cristo jini Dios, yic'ot mach i Yalobilic Dios jini Cristo. ²³ Jini mu' bΛ i yΛl mach i Yalobilic Dios jini Cristo mach i cha'anic lac Tat. I cha'añΛch lac Tat jini mu' bΛ i sub i YalobilΛch Dios Jesús.

²⁴ La' cΛlec ti la' pusic'al jini tsa' bΛ la' ñich'ta c'ΛlΛl ti' cajibal. Mi woli' cΛytΛl ti la' pusic'al jini tsa' bΛ la' ñich'ta c'ΛlΛl ti' cajibal, che' jini, mi caj la' chΛn ajñel ti lac Tat yic'ot ti' Yalobil. ²⁵ Dios mi' yΛq'ueñonla laj cuxtΛlel mach bΛ anic mi' jilel che' bajche' albil i cha'an.

²⁶ Wolic ts'ijbubeñetla ili t'an cha'an mach mi la' jac' jini yomo' bΛ i lotiñetla. ²⁷ Tsa'ix aq'uentiyetla jini Ch'ujul bΛ Espíritu woli bΛ i chΛn ajñel ti jatetla. Jini cha'an mach wersajic mi' cΛntesañetla yambΛ, come cΛntesΛbiletla ti Espíritu ti pejtelel chuqui yom. IsujmΛch i cΛntesa, mach lotic. Che' bajche' tsi' cΛntesayetla, che'Λch yom mi la' chΛn ajñel ti Jesús. ²⁸ WΛle, alobob, chΛn ajñenla ti Cristo. Che' jini ch'ejl lac pusic'al mi caj laj q'uel che' mi' tsictiyel. Aja machiqui mi' tejchel t'an ti lac pusic'al cha'an mi lac tΛts' lac bΛ ti quisin che' mi' tilel. ²⁹ La' wujil tojΛch Cristo. La' wujil ja'el tsa'ix

i yilayob pañimil ti Dios pejtelel mu' bΛ i cha'leñob chuqui toj.

3

Iyalobilonia Dios

¹ Cabλ ts'i' c'uxbiyonla lac Tat. Jini cha'an mi lac pejcλntel ti' yalobil Dios. Melel i yalobilonla. Jini cha'an ma'anic mi' cλñonla i cha'año' bΛ pañimil, come mach i cλñayobic Dios. ² C'uxbibilo' bΛ, i yalobilonixla Dios. Maxto tsictiyemic bajche' mi caj la cujtel. Pero la cujil che' mi' tsictiyel Cristo mi caj la cajñel lajal bajche' Cristo, come mi caj laj q'uel che' bajche' an. ³ Jini mu' bΛ i pijtan chuqui mi' caj ti ujtel che' mi' tilel Cristo, mi' sλq'uesan i pusic'al cha'an sλc mi' yajñel che' bajche' Jesús.

⁴ Majqui jach mi' cha'len mulil, woli' ñusan mandar. Mulil jiñλch i ñusλntel mandar. ⁵ La' wujil tsa' tsictiyi Cristo cha'an mi' ch'λm majlel lac mul. I bajñel ma'anic i mul. ⁶ Jini mu' bΛ i chλn ajñel ti Cristo, ma'anic mi' cha'len mulil. Jini mu' bΛ i cha'len mulil, ma'anic tsi' q'uele Cristo, mach i cλñayic ja'el.

⁷ Alobob, mach mi la' jac'beñob i lot winicob mi juntiquilic. Jini mu' bΛ i cha'len chuqui toj, tojλch che' bajche' toj Cristo. ⁸ Jini mu' bΛ i cha'len mulil i cha'añλch xiba, come jini xiba woli' chλn cha'len mulil c'λlal ti' cajibal. Jini cha'an tsa' tsictiyi i Yalobil Dios cha'an mi' jisλben i ye'tel xiba. ⁹ Jini tsa' bΛ i yila pañimil ti Dios ma'anic mi' chλn cha'len mulil, come woli' yajñel i yEspíritu Dios ti' pusic'al. Mach mejlic i chλn cha'len mulil, come tsa'ix i yila pañimil ti Dios. ¹⁰ Che' jini, tsiquil

majqui i yalobilob Dios yic'ot majqui i yalobilob xiba. Jini mach b_λ anic mi' cha'len chuqui toj, mach i cha'anic Dios. Che' ja'el jini mach b_λ anic mi' c'uxbin i yermano, mach i cha'anic Dios.

Yom mi laj c'uxbin lac b_λ

¹¹ Jini t'an tsa' b_λ la' wubi c'_λl_λl ti' cajibal, jiñ_λch iliyi: Yom mi laj c'uxbin lac b_λ ti lac pejtelel. ¹² Mach yomic lajalonla bajche' Caín tsa' b_λ i ts_λnsa i yijs'in. ¿Chucoh tsi' ts_λnsa? Caín i cha'añ_λch jini xjontolil. Jontol i melbal pero toj i melbal i yijs'in. ¹³ Quermanojob, mach toj sajtic la' pusic'al mi ts'a' mi' q'ueletla i cha'año' b_λ pañimil. ¹⁴ Anquese chameñonla ti yamb_λ ora, pero la cujil anix laj cuxt_λlel come woli laj c'uxbin la quermanojob. Jini mach b_λ anic mi' c'uxbin i yermano ch_λmen to mi' yajñel. ¹⁵ Majqui jach mi' ts'a'len i yermano, sts_λnsaj_λch. La' wujil ma'anic i cha'an sts_λnsa laj cuxt_λlel mach b_λ anic mi' jilel.

¹⁶ Jesús tsi' y_λc'_λ i b_λ ti ch_λmel cha'añonla. Che' jini, mi laj c_λmben i c'uxbiya. Che'_λch yom mi la c_λc' lac b_λ ti ch_λmel cha'an la quermanojob. ¹⁷ Jini am b_λ i chub_λ'an ti pañimil, mach b_λ anic mi' p'untan i yermano che' mi' q'uel anto chuqui yom i cha'an, ¿bajche' mi' yajñel i c'uxbiya Dios ti' pusic'al? ¹⁸ Calobilob, mach yomic mi lac cha'len c'uxbiya ti lac t'an jach mi ti lac subal jach. La' lac cha'len c'uxbiya ti isujm ti lac melbal. ¹⁹⁻²⁰ Che' jini mi lac ña'tan añonla ti' sujmlel, xuc'ul lac pusic'al ti' tojlel Dios che' ma'anic mi' tic'onla lac pusic'al. Pero mi woli' tic'onla lac pusic'al, ñumen ñuc Dios bajche' lac pusic'al. Yujil pejtelel chuqui an.

²¹ C'uxbibilo' b_A, mi ma'anic woli' tic'onla, ch'ejlonla ti Dios. ²² Che' jini mi la c_Aq'uentel ti Dios chuqui jach mi laj c'ajtiben, come woli lac ch'ujbiben i mandar. Woli lac mel chuqui mi' mulan Dios. ²³ Jiñ_Ach i mandar: Yom mi lac ñopben i c'aba' Jesucristo i Yalobil Dios. Yom mi laj c'uxbin lac b_A ti lac pejtelel, che' bajche' ts'i' y_Aq'ueyonla mandar. ²⁴ Jini mu' b_A i ch'ujbiben i mandar mi' yajñel ti Dios. Dios mi' yajñel ti jini winic ja'el. C_Antes_Abilonla cha'an jini Espíritu tsa' b_A i y_Aq'ueyonla, la cujil woli' yajñel Dios ti joñonla.

4

I yEspíritu Dios yic'ot i yespíritu jini xcontra Cristo

¹ C'uxbibilet b_A la, mach yomic mi la' ñop pejtelel espíritujob. Ña'tanla mi ch'oyolob ti Dios. Come tsa'ix i pucuyob i b_A ti pañimil cab_A xlot b_A x'alt'añob. ² Yom mi la' c_Amben i yEspíritu Dios. Ch'oyol ti Dios pejtel espíritu mu' b_A i y_Al tilem Jesucristo ti' b_Ac'tal. ³ Pejtel espíritu mach b_A anic mi' sub ti ñuc Jesús, mach ch'oyolic ti Dios. Jiñ_Ach xcontra Cristo. Tsa' la' wubi mi caj i tilel. W_Ale anix ti pañimil. ⁴ Calobilob, i cha'añetla Dios. Tsa'ix la' t'uchtayob come ñumen ñuc jini am b_A ti a pusic'al bajche' jini am b_A ti pañimil. ⁵ Yaño' b_A i cha'añob_Ach pañimil. Jini cha'an i t'an jach pañimil mi' y_Alob. Jini i cha'año' b_A pañimil mi' ñich't_Abeñob i t'an. ⁶ Joñonla i cha'añonla Dios. Jini mu' b_A i c_An Dios mi' yubin lac t'an. Jini mach b_A anic mi' c_An Dios ma'anic mi' yubin lac t'an. Che' jini mi laj c_An

jini Espíritu mu' b_Λ i sub i sujmlel yic'ot jini espíritu mu' b_Λ i cha'len lot.

Xc'uxbiyaj_Λch Dios

7 C'uxbibilet b_Λ la, la' laj c'uxbin lac b_Λ ti lac pejtelel, come ch'oyol ti Dios jini c'uxbiya. Majqui mi' cha'len c'uxbiya, tsa'ix i yila pañimil ti Dios, i c_Λñ_Λy_Λch Dios. **8** Jini mach b_Λ yujilic c'uxbiya mach i c_Λñ_Λyic Dios. Come c'uxbiyaj_Λch Dios. **9** Tsi' p_Λsbeyonla i c'uxbiya Dios che' b_Λ tsi' choco tilel ti pañimil cojach b_Λ i Yalobil cha'an mi lac taj laj cuxt_Λlel ti Jesús. **10** Jiñ_Λch mero c'uxbiya. Mach joñonicla tsa' laj c'uxbi Dios pero jini tsi' c'uxbiyonla. Tsi' choco tilel i Yalobil cha'an mi' toj lac mul, cha'an mi' lajmel i mich'ajel ti lac tojlel. **11** C'uxbibilet b_Λ la, mi che'_Λch tsi' c'uxbiyonla Dios, che' yom mi laj c'uxbin lac b_Λ ti lac pejtelel. **12** Maxto anic majch tsi' q'uele Dios ti pejtelel ora. Che' woli laj c'uxbin lac b_Λ, Dios mi' yajñel ti joñonla. Che' jini wolix i ts'_Λct_Λyel majlel i c'uxbiya ti lac pusic'al.

13 Che' jini, la cujil woli la cajñel ti Dios, la cujil woli' yajñel Dios ti joñonla, come tsa'ix i y_Λq'ueyonla i yEspíritu. **14** Lac Tat tsi' choco tilel i Yalobil, i yaj Coltaya pañimil. Tsa'ix j q'uele lojon. Che'_Λch mic sub lojon ja'el. **15** Majqui jach mi' sub i Yalobil_Λch Dios jini Jesús, Dios mi' yajñel ti' pusic'al. Jini winic mi' yajñel ti Dios ja'el. **16** Tsa'ix laj c_Λmbe i c'uxbiya Dios. Tsa'ix lac ñopo ja'el xc'uxbiyaj_Λch Dios. Jini yujil b_Λ c'uxbiya mi' yajñel ti Dios. Dios mi' yajñel ti jini winic. **17** Wen la cujilix c'uxbiya che' ma'anic mi lac b_Λc'ñ_Λben i q'uiñilel toj mulil, come w_Λ' ti pañimil lajalonla

bajche' Jesús. ¹⁸ Ma'anic b_λq'uen che' an c'uxbiya. Che' ts'_λcal laj c'uxbiya mi' laj loq'uel lac b_λq'uen. An cab_λ i wocol jini mu' b_λ i b_λc'_ñan toj mulil. Jini mu' b_λ ti b_λq'uen, maxto wen yujilic c'uxbiya.

¹⁹ Jini cha'an mi laj c'uxbin Dios, come ñaxan tsi' c'uxbiyonla. ²⁰ Che' an mu' b_λ i y_λl: Wolij c'uxbin Dios, che'en, mi woli' ts'a'len i yermano, xlot_λch. Come mi mach c'uxic mi' yubin i yermano tsa' b_λ i q'uele, ¿bajche' mi mejlel i c'uxbin Dios mach b_λ anic tsi' q'uele? ²¹ Dios tsi' y_λq'ueyonla ili mandar: Jini mu' b_λ i c'uxbin Dios, la' i c'uxbin i yermano ja'el.

5

Jini mu' b_λ i ñop i Yalobil Dios

¹ Pejtel mu' b_λ i ñop Cristo_λch jini Jesús, tsa'ix i yila pañimil ti Dios. Majqui jach mi' c'uxbin lac Tat tsa' b_λ i y_λq'ueyonla lac cha' ilan pañimil mi' c'uxbin ja'el i yalobilob. ² La cujil woli laj c'uxbin i yalobilob che' mi laj c'uxbin Dios, che' mi lac ch'ujbiben i mandar ja'el. ³ Come i c'uxbintel Dios jiñ_λch i ch'ujbibentel i mandar. Mach wocolic i mandar. ⁴ Come jini tsa' b_λ i yila pañimil ti Dios, mi' t'uchtan i cha'an b_λ pañimil. Jiñ_λch i t'ucht_λntel pañimil che' mi lac ñop Dios. ⁵ ¿Majqui jini mu' b_λ i t'uchtan jini pañimil? Jiñ_λch woli b_λ i ñop i Yalobil_λch Dios jini Jesús.

I tsictes_λntel Jesucristo

⁶ Jiñ_λch Jesucristo tsa' b_λ tili. Dios tsi' tsictesa che' b_λ tsi' ch'_λm_λ ja' yic'ot che' b_λ tsi' y_λc'_λ i ch'ich'el. Mach ti ja'ic jach tsi' tsictesa, pero yic'ot ja' yic'ot i ch'ich'el. Testigo_λch jini Espíritu ja'el,

come i sujmlel^{ch} jini Espíritu. ⁷ An uxchajp mu' b^λ i tsictesañob i sujmlel: ⁸ jini Espíritu yic'ot jini ja' yic'ot i ch'ich'el Jesús. Junsujm jach chuqui mi' y^λc' ti tsictiyel ili uxchajp. ⁹ Mi lac ñop chuqui mi' y^λlob winicob. Ñumen yom mi lac ñop chuqui tsi' y^λla Dios, come tsi' y^λla cha'an mi' y^λc' ti c^λajñe^λ i Yalobil. ¹⁰ Majqui jach mi' ñop i Yalobil Dios yujil ti' pusic'al isujm^λch ili t'an. Jini mach b^λ anic mi' ñop Dios tsa'ix i cuyu ti xlot, come ma'anic tsi' ñopo jini t'an tsa' b^λ i y^λla Dios cha'an mi laj c^λaben i Yalobil. ¹¹ Jini t'an tsa' b^λ i y^λla Dios j^λñ^λch iliyi: Dios tsi' y^λq'ueyonla laj cuxt^λlel mach b^λ anic mi' jilel. Ili laj cuxt^λlel an ti' Yalobil Dios. ¹² Jini ochem b^λ ti' Yalobil Dios, an i cuxt^λlel. Jini mach b^λ anic i cha'an i Yalobil Dios, ma'anic i cuxt^λlel.

Laj cuxt^λlel mach b^λ anic mi' jilel

¹³ Jini cha'an tsac ts'ibubeyetla ili t'an, jatetla tsa' b^λ la' ñopbe i c'aba' i Yalobil Dios, cha'an mi la' ña'tan anix la' cuxt^λlel mach b^λ anic mi' jilel.

¹⁴ Ch'ejl lac pusic'al ti' tojlel Dios, come la cujil mi' yubibeñonla chuqui jach mi laj c'atiben che' bajche' yom i pusic'al. ¹⁵ Che' mi lac ña'tan woli' yubibeñonla chuqui jach mi laj c'ajtiben, la cujil tsa'ix lac taja chuqui tsa' laj c'ajtibe.

¹⁶ Mi an majch mi' q'uel i yermano che' woli' taj i mul mach b^λ anic mi' y^λc' ti ch^λamel, la i c'ajtiben Dios cha'an mi' ñus^λbentel i mul i yermano. Dios mi caj i y^λq'uen i cuxt^λlel jini am b^λ i mul mach b^λ anic mi' y^λc' ti ch^λamel. An mulil mu' b^λ i y^λc'onla ti ch^λamel. Ma'anic wolic subeñetla mi yom mi la' cha'len oración cha'an mi' ñus^λbentel. ¹⁷ Pejtelel

lac melbal mach b_A tojic, jiñ_Ach mulil. An mulil mach b_A anic mi' y_Ac'onla ti ch_Amel.

¹⁸ La cujil ma'anic mi' ch_An cha'len mulil jini tsa' b_A i yila pañimil ti Dios. Jini xjontolil mach mejlix i ch_An taj. Come i Yalobil Dios mi' c_Antan. ¹⁹ La cujil i cha'añionla Dios. Pejtelel i cha'año' b_A pañimil añob ti' c'_Ab jini xjontolil. ²⁰ La cujil tsa'ix tili i Yalobil Dios. Tsa'ix i y_Aq'ueyonla lac ña't_Abal cha'an mi laj c_An jini mero isujm b_A. Añonla ti jini mero isujm b_A jiñ_Ach Jesucristo, i Yalobil Dios. Jiñ_Ach mero Dios yic'ot laj cuxt_Alel mach b_A anic mi' jilel. ²¹ Alobob, c_Antan la' b_A. Mach mi la' ch'ujutesan dios tac.

**I T'an Dios
Bible without Deuterocanon in Chol Tumbala; ctu
(MX:ctu:Chol)**

copyright © 1977 Wycliffe Bible Translators, Inc.

Language: Chol

Translation by: Wycliffe Bible Translators, Inc.

Chol, Tumbalá [ctu], Mexico

Copyright Information

© 1977, Bible League International

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The Bible without Deuterocanon

in Chol

© 1977, Bible League International

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 11 Nov 2022 from source files
dated 29 Jan 2022

45de077a-5b47-572a-bd9d-72438a3be945